



mjesečni Bilten



mart
ožujak
2023.

omladinska mreža bosne i hercegovine
ISSN 2831 - 0845

286

Dragi prijatelji/ce,

Predstavljamo vam martovsko izdanje (broj 286.) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.orctuzla.ba



SADRŽAJ

| | |
|--|----|
| Aktivnosti u martu..... | 2 |
| Planovi za april..... | 8 |
| Aktivnosti članova mreže..... | 9 |
| Saopštenja/informacije/donatori/pozivi | 15 |

Uživajte u čitanju!

AKTIVNOSTI ORC/HCA U MARTU



Trening u Konjicu

U periodu od 03. do 05. marta u sklopu strateškog prioriteta koji ima za cilj izgradnju dinamičnih, uključivih i otpornih zajednica, u Konjicu je održan „Trening za facilitiranje radionica i vođenje edukativnih treninga“.

Na treningu je sudjelovalo 23 mladih liderki i lidera iz zajednica u kojima se Bosnia and Herzegovina Resilience initiative (BHRI) projekat provodi, a među njima su ispred Omladinskog Resursnog centra Tuzla bili **Ammar Grabić**, **Suzana Dušanić** i **Minela Dohranović**.



Ambasador Sattler o značaju aktivizma i zaštite ljudskih prava

Nakon Zenice i Sarajeva, ambasador Johann Sattler, šef Delegacije Evropske unije i specijalni predstavnik EU u Bosni i Hercegovini, i Johanna Strömquist, ambasadorica Švedske u BiH posjetili su Univerzitet u Tuzli i sa studentima Pravnog fakulteta razgovarali o važnosti aktivizma i zaštite ljudskih prava.



Panel diskusija je organizovana u sklopu novog projekta EU u BiH namijenjenog studentima javnih univerziteta, pod nazivom Generation Change. Razgovoru sa studentima pridružili su se i **Almasa Bečić**, predsjednica Omladinskog pokreta Revolt iz Tuzle i **Mirela Biković**, aktivistkinja Omladinskog Resursnog centra Tuzla. Događaj je okončan pozivom studentima da se umreže i apliciraju za narednu fazu #GenChange projekta, te steknu priliku da budu dio pobjedničkog tima koji će ovog ljeta posjetiti Brisel.



Antikorupcijska akademija u okviru projekta YouTHink

U okviru projekta YouTHink, 20.marta održana je Antikorupcijska akademija u Sarajevu, sa ciljem jačanja vladavine prava u Bosni i Hercegovini. Istraživanje Transparency Internationala pokazalo je da je u Bosni i Hercegovini, kada je u pitanju korupcija, najgore stanje.



Akademija je okupila preko 200 mladih uživo i online iz više od 35 bosanskohercegovačkih gradova. **Mirela Biković** iz Omladinskog Resursnog centra Tuzla bila je mentorica učesnic/ima/ama, a naša **Suzana Dušanić** bila je jedna od učesnica akademije.



Noć kvizova u Zapadnoj Hercegovini

U sklopu projekta CATNet, organizovali smo noć kvizova u Zapadnoj Hercegovini. Kvizovi su se održali 26.03. i 27.03. u **Čitluku i Čapljini**. Održali smo kviz opšteg znanja koji je bio pun uzbuđenja, smijeha i nevjerovatnih odgovora! Naši igrači su se takmičili za vrijedne nagrade i bilo je zaista uzbuđljivo do samog kraja.

„Ovi kvizovi se sprovode u saradnji sa Bosnia and Herzegovina Resilience Initiative (BHRI) projektom, koji sprovodi Međunarodna organizacija za migracije (IOM), uz finansijsku podršku Austrijske razvojne saradnje.“





Projekat „LOM-Lokalno Osnaživanje Mladih“


27.marta u Tesliću održana je završna konferencija u sklopu projekta „Lokalno Osnaživanje Mladih“. Na konferenciji između ostalog govorilo se o ulozi mladih u životu lokalne zajednice.

Konferencija je zatvorena predstavljanjem projekata ideje koje su proizašle od učesnika projekta, a koji će predstavljati putokaz rada organizacije. Konferenciji su prisustvovali mnogi mladi iz

Bosne i Hercegovine, među kojima je bila i **Suzana Dušanić** iz Omladinskog Resursnog centra Tuzla.



CAT Bosna i Hercegovina



Tokom mjeseca marta nastavili smo sa našim redovnim aktivnostima u sklopu projekta „CAT - Bosna i Hercegovina“

Naše mačke su nastavile da oduševljavaju javnost na društvenim mrežama. Ukoliko još uvijek ne pratite naše mačke - pozivamo vas da to učinite na:

[Facebook](#), [Web Portal](#),
[Instagram](#) i [Youtube kanal](#).



Posjeta Ukrajinske delegacije Tuzli



centar Tuzla.

Od 20. do 24. marta delegacija ukrajinske regije **Černigiv** posjetila je Tuzlu. Pozvali smo ih kao prijatelje i partnere da posjete naš grad. Cilj posjete bila je razmjena iskustava, radni sastanci sa predstavnicima vlasti i civilnog sektora, i razgovori o poslijeratnom oporavku i rekonstrukciji, gdje smo razmjenjivali iskustva sa predstavnicima lokalne vlasti i civilnog društva u Tuzli.

U četvrtak, 23.marta održana je panel diskusija sa Ukrajinskom delegacijom, na kojoj smo razmjenjivali iskustva konkretno iz regije Černigiv kao i iz Tuzle i Ukrajine. Organizatori posjete i događaja bili su **nizozemska organizacija PAX, Forum građana Tuzla i Omladinski Resursni**



Trening - Medijator omladinskih informacija (JIMMY)



Od 28. do 30. marta u Banja Luci je održan JIMMY-kurs obuke, koji je usmjeren na omladinske radnike koji, u kontekstu svog svakodnevnog posla, djelimično, ali ne isključivo, pružaju informacije mladima. Kurs je osmišljen da razvije nove vještine u oblasti informiranja i savjetovanja mladih za omladinske radnike ili druge stručne radnike sa mladima. Trening se održava u okviru partnerskog projekta projekta **YinfoPioneers – Pionirske informativne usluge za mlade na Zapadnom Balkanu**. Partneri u ovom projektu iz Bosne i Hercegovine su **Omladinski resursni centar Tuzla i CEREBRA Banja Luka**.

Ciljevi ovog treninga bili su: promovisati informisanje mladih u drugim sektorima omladinskog rada; razviti partnerstvo između omladinskih radnika i omladinskih informativnih centara; obezbijediti alat za mlade radnike za pružanje osnovnih informacija o mladima; poboljšati kvalitet i dostupnost informacija mladima; poboljšati informativne usluge za mlade putem povratnih informacija dobijenih radom s mladima, učesnica treninga ispred Omladinskog Resursnog centra bila je naša **Suzana Dušanić**.



Anna Lindh Fondacija Bosanskohercegovačka mreža

Godišnja skupština ALF BiH

U Tuzli je, 3. i 4. marta održana Godišnja – izborna skupština ALF BiH. U okviru Skupštine, na kojoj je učestvovalo 20 učesnika/ca iz 16 članica ALF mreže BiH, članice su izvještene o aktivnostima mreže i međunarodne ALF u proteklom periodu, te aktivnostima koordinatora mreže Isto tako, objavljene su kandidature za članove Upravnog Odbora ALF BiH, pristigle tokom februara. Kandidati za članove UO su:

IBRAHIM SPAHIĆ – IPC Sarajevo

IVAN SAJEVIĆ – GKM Vitez

NOVICA BOGDANOVIĆ – DIS teatar Banja Luka

BORIS BALTA – MAGIC Factory Tuzla,

MAJA VEJZOVIĆ – **VOLODER** - Agencija lokalne demokratije Mostar

Skupština je jednoglasnom odlukom izglasala svih pet kandidata za članove UO ALF BiH.



Koordinator mreže je takođe izvijestio Skupštinu o urađenoj rekonfirmaciji / potvrdi članstva. Organizacije koje nisu potvrdile svoje dalje članstvo u mreži su: **UG za promociju obrazovanja roma „Otaharin“ Bijeljina, PRONI – Centar za omladinski razvoj Brčko, Udruga Uzor Busovača, UG Središte za cjeloživotno učenje (SCU) Nova Bila – Travnik i Prof.Dr. Emel Topcu – Dekan Internacionalnog univerziteta Sarajevo.** Nakon skupštine, održan je i konstituirajući sastanak Upravnog odbora ALF BiH. Na sastanku je izabran



predsjednik UO – Ivan Sajević i potpredsjednik – Novica Bogdanović. Osim izbornog dijela, UO je razmatrao i kalendar aktivnosti mreže za ovu godinu.

UO je donijeo odluku da se članice koje nisu potvrdile svoje članstvo u mreži brišu iz članstva u ALF BiH, sa time da im se, nekad u daljem radu, ukoliko zatraže članstvo u ALF BiH, to omogući.

Drugog dana sastanka, učesnici su po grupama radili praktično na strategiji rada ALF BiH za ovu godinu, te na strategiji poboljšanja komunikacija članica mreže.

U okviru ovoga, razmatrano je pokretanje i fb grupe za članice ALF BiH, pokretanje web stranice, te prikupljanje informacija od

članica (lične karte) kako bi Mreža imala podatke o tome sa čim raspolaže.

Sastanak UO ALF BIH Banja Luka, 26.03.2023.

Shodno odlukama sa konstituirajućeg sastanka UO u Tuzli, u Banja Luci je održan drugi redovni sastanak UO ALF BIH. Sastanak je održan u okviru pozorišnog festivala „Keza Fest“, u organizaciji DIS Teatra Banja Luka, a uz podršku Gradske uprave grada Banja Luka, i Euromediteranske fondacije "ALF" – bosanskohercegovačke mreže.

Neki od zaključaka sastanka bili su: Rad na izmjenama i dopunama Sporazuma o saradnji članica ALF BiH; nastavak obilaska članica ALF BIH od strane članova UO i jačanje promocije ALF BiH prema drugim organizacijama i javnosti; poziv članicama ALF BIH za učešće na ovogodišnjem Sajmu knjige u Sarajevu (od 12. do 17. aprila) sa promotivnim materijalima, publikacijama i ostalim; zajedničko apliciranje za ovogodišnji Festival slobode...

Nakon sastanka UO održali smo i sastanak sa organizacijama iz Banja Luke: Gradski omladinski Savjet Banja Luke, „Čuvari osmijeha“ Banja Luka, i „Bijeli anđeo“ Banja Luka, kojima su koordinator mreže, Miralem Tursinović, i članovi UO ALF BIH prezentovali rad, strukturu i aktivnosti ALF BIH, te ih pozvali i objasnili im kako mogu, ukoliko žele, da se priključe mreži.





Prikazivanje filma „Povratak u Višegrad“

U Dvorani „Kaleidoskop“ Tuzla, 28. marta organizovali smo prikazivanje dokumentarnog filma: „Povratak u Višegrad“ Film su režirali: Julie Biro i Antoine Jaccoud. Film govori o poslijeratnom susretu jedne generacije, koja je početkom rata išla u 4. razred osnovne škole, a usljed ratnih nedaća raselila se po regionu. Film je prikazan uz podršku ambasade Švicarske u BiH, te uz podršku Pozorišta mladih Tuzle.

POVRATAK U VIŠEGRAD

PROJEKCIJA FILMA I SUSRET SA AUTORIMA

28.3.2023. 19:30
SALA KALEIDOSKOP TUZLA



REDOVNE AKTIVNOSTI ORC I HCA TUZLA

Tokom marta smo radili na održavanju i razvoju komunikacija i koordinacije unutar Omladinske mreže Bosne i Hercegovine (www.orctuzla.ba). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA APRIL 2022.



Nastavak ostalih aktivnosti u okviru projekta CATNet.

Ovaj projekat je realiziran zahvaljujući podršci **Bosnia and Herzegovina Resilience Initiative (BHRI)**, projekat kojeg implementira **Međunarodna organizacija za migracije (IOM)**, a kojeg finansira **Austrijska razvojna saradnja.**



Učešće na sastanku partnera projekta **YinfoPioneers – Pionirske informativne usluge za mlade na Zapadnom Balkanu**, u Barceloni, 19. – 22. aprila.



Početak implementacije projekta „Constructing peace and security“, održavanjem konferencije mladih u Sarajevu.

AKTIVNOSTI ČLANICA OMLADINSKE MREŽE BiH



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac



Dnevne radionice



Omladinska organizacija Svitac je nastavila sa svakodnevnim interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su razgovarali o kiši, vjetru, oblacima, dugama, drveću, proljeću i vremenu. Učesnici su uživali u crtanju i pravljenju oblaka i duge, malih kornjača i robota od različitih materijala i rado su ih nosili kući. Nastavili su sa abecedom i naučili da pišu slova E, F, G, H, I, J. Radili su vježbe zagrijavanja i jogu za djecu, a svakog su

četvrtka plesali i vježbali slušanje priča. Neke od priča koje su pročitali ovog mjeseca su: Ružno pače, Crvenkapa, Ivica i Marica, Pinokio i Pepeljuga. Cilj ovih edukativnih aktivnosti je da djeca razviju maštu i da koristeći razne materijale izraze svoju kreativnost, te da razviju motoriku, pamćenje, osjećaj tolerancije i poštovanje prema drugima i usvoje lijepo ponašanje. Sve radionice su implementirane uz edukativnu vizuelnu metodu sa slikama i videom.



Uzrast 13+ je učestvovao u diskusijama/radionicama na teme: britanski obrazovni sistem, socijalna pravda, svijest o minama i kako biti društveno svjesniji na mreži. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama su učili modalne glagole (znati, morati, željeti), ponavljali vokabular iz prošlih mjeseci i glagole u sadašnjem vremenu, pisali diktate, čitali i prevodili kratke tekstove i fraze, radili na vježbanju svakodnevne komunikacije i gramatike, učili novi vokabular, te radili na zanimljivim prezentacijama i projektima.



Radionice gitare

Učesnici su nastavili raditi na zahtjevnijem materijalu kao što je „Capriccio br. 20, 21 i 22“ (L. Legnani) „I Fall in love too easily“ (Chat Baker), ali i na manje zahtjevnim pjesmama po izboru polaznika („Bandoleros“- Don Omar, “Whiter shade of pale“- Procol Harum).



Radionice sambe

Učesnici su uvježbavali deset kompozicija na kojima su radili u poslednja dva mjeseca uz dodatak nove kompozicije pod naslovom “Black reptil”.



Dan nulte diskriminacije

Omladinska organizacija Svitac je diskusijom sa 16+ učesnicima obilježila Dan nulte diskriminacije. Dan nulte diskriminacije obilježava se 1. marta svake godine i ima za cilj borbu protiv strukturalnih i kulturnih predrasuda i unapređenje jednakosti i pravednosti u društvima širom svijeta. Također naglašava kako se ljudi mogu informisati i promovisati inkluziju, suosjećanje, mir i, iznad svega, pokret za promjenu. Naši cilj je bio da učesnicima pružimo alat za kritičko razmišljanje o svijetu oko sebe. Za našu prvu aktivnost pogledali smo kako uzori predstavljeni u medijima mogu uticati na naše vlastite predrasude i mišljenje. Zatim smo se za našu drugu aktivnost fokusirali na rodnu diskriminaciju i nesvjesnu pristrasnost; razgovarali smo o tome šta je nesvjesna pristrasnost na primjerima iz svakodnevnog života. Učesnici su bili veoma angažovani u razgovoru, te su tokom radionice takođe imali priliku probati tradicionalne engleske kolače koje je donio jedan od naših međunarodnih volontera iz Velike Britanije. Radionica je održana u prostorijama Omladinskog centra Brčko distrikta.



Međunarodni dan za eliminaciju rasne diskriminacije

Međunarodni dan za eliminaciju rasne diskriminacije se u međunarodnom kalendaru obilježava 21.marta. Omladinska organizacija Svitac je u gimnaziji održala dvije radionice sa učenicima na ovu temu. Marlen i Lotte, međunarodne volonterke koje su vodile radionice, potaknule su učenike da podijele svoje stavove o temama: problem rasizma u ustavu Bosne i Hercegovine, rasizam na granicama i migracije u Evropi, lokalni problemi s rasizmom i lična iskustva diskriminacije. Učesnici su otvoreno razgovarali i dotakli se diskriminacije i lošeg tretmana različitih migranata na evropskim granicama, kao i ličnih iskustava.

Radionica je započela igrom koja se zvala "jedan korak naprijed", svi učenici su stajali u redu, svaki učenik je dobio ulogu, postavljana su im pitanja i ako je odgovor bio "da" morali su napraviti korak naprijed. Dok su odgovarali na pitanja i poduzimali korake, jaz između različitih uloga postajao je sve veći. Nakon ove igre učenici su bili pozvani da analiziraju rezultate i diskutuju zašto neki ljudi doživljavaju više rasizma, a neki manje. Marlen i Lotte su takođe razgovarale o definiciji rasizma, a potom su učenici pogledali video

Institut za razvoj mladih KULT



4th Viteške brigade street
34 – 36 BA, 71210 Ilidža,
Sarajevo
Tel: +387 33 778 778.
Fax: +387 33 778 79
E-mail: kult@mladi.org,
web: www.mladi.org



Dijalog mladih i diplomatskih predstavnika Nizozemske, Švicarske, Belgije, Njemačke i Španjolske nadmašio sva očekivanja

U Livnu je održan Dijalog mladih i diplomatskih predstavnika Nizozemske, Belgije, Švicarske, Njemačke i Španjolske. Dijalogu su prisustvovali mladi iz Livna i okolnih mjesta poput Bugojna, Glamoča i Tomislavgrada, koji su članovi nevladinih organizacija, aktivisti, volonteri, studenti i poduzetnici.



Mladi su imali priliku da razgovaraju sa ambasadorom Kraljevine Nizozemske u BiH Janom Waltmansom, ambasadorom Švicarske Konfederacije u BiH Danielom Hunnom, šefom Diplomatskog ureda Kraljevine Belgije u BiH Benjaminom Sturtewagenom, ambasadorom Savezne Republike Njemačke u BiH Thomasom Fitschenom i ambasadoricom Kraljevine Španjolske u BiH Mariom Teresom Lizaranzu Perinat.

Tokom Dijaloga mladi su ukazali na potrebe i probleme sa kojima se susreću u ovom dijelu Bosne i Hercegovine, a teme koje su bile posebno razmatrane bile su korupcija i njen utjecaj na socijalni, politički i ekonomski život, perspektive za mlade sa naglaskom na zapošljavanje, samozapošljavanje i podršku poduzetništvu, te aktivizam mladih i njihova uključenost u procese odlučivanja u lokalnim zajednicama iz kojih dolaze. Mladi su izrazili zadovoljstvo za pruženu priliku da razgovaraju sa diplomatskim predstavnicima i ukažu na potrebe i probleme, ali i ideje i rješenja kojima bi se poboljšao njihov položaj. Diplomatski predstavnici istakli su važnost kontinuiranog dijaloga sa mladima u nastojanju da u aktivnostima koje provode u BiH doprinesu poboljšanju statusa mladih. Poruke i stavovi mladih će im biti korisni prilikom razgovora sa predstavnicima bh. vlasti kojima nastoje ukazati na nužnost kreiranja adekvatnih politika kojima će se unaprijediti i poboljšati kvalitet života mladih.

Institut za razvoj mladih KULT je podržao Ambasadu Kraljevine Nizozemske u Bosni i Hercegovini u organizaciji ovog događaja čime se nastavlja uspješna saradnja sa ambasadama smatrajući da upravo ovakvi događaji mogu rezultirati boljim prilikama za mlade u Bosni i Hercegovini.



Predstavom „Ti, Ja i Štela“ i panel diskusijom mladi pružili otpor korupciji u društvu

Institut za razvoj mladih KULT kroz projekt Reci NE korupciji u Kantonu Sarajevo ukazuje na problem korupcije u našem društvu. Kreativni mladi ljudi odlučili su, na malo drugačiji način, pružiti otpor korupciji, te je uz prisustvo brojnih mladih ljudi zainteresiranih za ovu temu, održan događaj "Korupcija – najduža predstava u historiji Bosne i Hercegovine". Događaj se sastojao iz dva dijela: predstave „Ti, Ja i Štela“ i panel diskusije „Ti i Ja protiv štele“.



Predstava „Ti, Ja i Štela“ je dio antikorupcijskog projekta Udruženja „Dignitet“ iz Mostara, te autorsko djelo čiji tekst i režiju potpisuje Ivo Čarapina, a koju je fenomenalno izvela mlada glumačka ekipa. Simbolično, ova je predstava pokazala na satiričan način rješavanje problema nezaposlenosti u korumpiranom društvu.

Panel diskusija „Ti, ja protiv štele“ imala je za cilj da kroz razgovor, razmjenu mišljenja i informacija podstakne mlade na proaktivan angažman u borbi protiv korupcije, a to je moguće jedino ukoliko hrabro progovorimo, te ukoliko nam država i institucije pruže neophodnu podršku i zaštitu. Panelisti su, uz autora predstave Ivu Čarapinu, bile i glumica Jasna Diklić, te profesorica na Fakultetu političkih nauka u Sarajevu, Sarina Bakić.

Mladi nisu krili svoje oduševljenje predstavom i panel diskusijom, pa osim što su se dobro zabavili, aktivno su učestvovali postavljajući pitanja, a druženje su nastavili uz kviz o korupciji.

Institut od septembra 2021. godine aktivno radi na provedbi inicijative "Reci Ne korupciji!", u saradnji s Uredom za borbu protiv korupcije i upravljanje kvalitetom Kantona Sarajevo. Inicijativa se provodi uz podršku Ambasade Kraljevine Nizozemske.



Zajedničkim snagama za bolje obrazovanje mladih u Kantonu Sarajevo

Institut za razvoj mladih KULT od svog osnivanja do danas zagovara bolji položaj mladih, a kvaliteta obrazovanja je jedan od prioriteta koji Institut zagovara u svim politikama prema mladima, za koje se posebno zalaže i u čijem kreiranju sudjeluje.

Upravo zbog činjenica da istraživanja Instituta, ali i druga istraživanja, pokazuju kako mladi nisu zadovoljni sistemom obrazovanja u BiH, Institut je održao konsultativne sastanke i potpisao Memorandum o saradnji sa Javnom ustanovom Institut za razvoj preduniverzitetskog obrazovanja Kantona Sarajevo, čija mislija je kreirati i graditi budućnost Kantona Sarajevo kroz opći, društveni i ekonomski napredak, boljim i kvalitetnijim odgojem i obrazovanjem generacija koje dolaze. Institut za razvoj preduniverzitetskog obrazovanja Kantona Sarajevo je savjetodavno, edukativno i koordinaciono tijelo koje pokreće i usmjerava rast i razvoj odgojno-obrazovnog sistema u Kantonu Sarajevo.

Kvalitetna saradnja svih aktera obrazovnog procesa, njihova motiviranost, predan i odgovoran rad kontinuirano učenje i profesionalno usavršavanje svih uključenih su temelj za razvoj pedagoških i naučnih standarda za kvalitetno obrazovanje. Ovo u konačnici znači bolje obrazovanje i napredak cijelog bosansko-hercegovačkog društva.



Memorandum o saradnji omogućava Institutu za razvoj mladih KULT i Institutu za preduniverzitetsko obrazovanje da zajedničkim naporima podrže razvoj mladih ljudi u Bosni i Hercegovini kroz obuke i aktivnosti za mlade ali i zajedničko kreiranje novih programa i inicijativa za nastavno i stručno osoblje u srednjim školama Kantona Sarajevo.

U praksi Institut za razvoj mladih KULT planira ponuditi obuke nastavnom i stručnom osoblju srednjih škola više obuke u polju servisnog i iskustvenog učenja u nastavi, te povećati saradnju škola sa lokanim omladinskim organizacijama.



INFORMACIJE / NAJAVE / DONATORI / POZIVI

Volonterska praksa u gradu na istoku Poljske – Seroczyn!

Baviš se volontiranjem, voliš putovanja i Poljska te osvojila svojim ljepotama?
Imamo pravu ponudu za tebe!

Nudimo ti odlazak na praksu u razdoblju od 6 sedmica (14.5. – 25.6.2023.), u grad na istoku Poljske – Seroczyn!

Potrebno ti je:

minimalno srednjoškolsko obrazovanje
poznavanje engleskog jezika
dobra volja i želja za izazovima

Nudimo:

osiguran smještaj
jedan obrok dnevno
edukaciju i praksu

Radno vrijeme predviđeno je od ponedjeljka do petka, od 08:00 do 15:00h.

Sudjeluj u našoj volonterskoj praksi i ostvari mnogo benefita zbog kojih ćeš jednostavno još više zavoljeti volontiranje!

Odvaži se i kreni!

Prijava se vrši putem www.aiesec.org.

UM "Trik" Kalesija objavljuje besplatan kurs za grafičkog dizajnera

Udruženje mladih "Trik" iz Kalesije aktivno djeluje na području Općine Kalesija od 2019. godine. Udruženje mladih "Trik" se bavi pitanjima i potrebama djece i mladih sa područja naše Općine te radimo na njihovom uključivanju u zajednici kroz aktivnosti koje sprovodimo.

Trenutno u Udruženju imamo raspisan poziv za besplatni kurs grafičkog dizajna u CANVI za 10 mladih osoba od 15 do 30 godina sa područja Općine Kalesija.

Kurs se realizuje u sklopu projekta kojeg sprovodimo pod nazivom "Probudi lidera u sebi" a koji se realizuje uz podršku "Bosnia and Herzegovina Resilience Initiative" ([#BHRI](https://www.facebook.com/trikkalesija)), projekta kojeg implementira [IOM Bosnia and Herzegovina](http://IOMBosniaandHerzegovina), a finansira Austrijska razvojna saradnja.

Više informacija se nalazi na linku ispod:

<https://www.facebook.com/trikkalesija/posts/pfbid0m9ZMducYBhbNKjXoYPaFaDuuF1F8zG4KwVHNyBs4YqTu7UDMcTPhVamuUX9bAW9TI>

Link za prijavu:

<https://forms.gle/dLdf9ojGzbXUyWSYA>

[OMLADINSKA BANKA] Pokreni promjene u svojoj zajednici: Prijavi se i postani dio Odbora Omladinske banke!

U okviru programa Omladinske banke objavljen je poziv za nove članove i članice Odbora.

Na poziv se mogu prijaviti mladi od 17 do 30 godina, koji imaju želju i volju da posvete svoje vrijeme aktivnostima programa i kroz volonterski angažman nauče nove vještine. Program omogućava mladim ljudima da uzmu aktivno učešće u razvoju svoje zajednice kroz:

- Pisanje i realizaciju projekata društvenog značaja;
- Učešće u raspodjeli fondova;
- Pokretanje vlastitog biznisa.

Poziv je otvoren do 10.4.2023. godine (do 14h) u ovih 27 Omladinskih banaka: *Bihać, Bileća, Bosanska Krupa, Bosanski Petrovac, Cazin, Derventa, Doboj, Doboj Istok, Doboj Jug, Goražde, Gornji Vakuf-Uskoplje, Gradiška, Kladanj, Kotor Varoš, Lopare, Mrkonjić Grad, Novi Grad, Novo Sarajevo, Odžak, Prnjavor, Šamac, Tešanj, Usora, Vareš, Zavidovići, Zenica i Žepče.*

Klikni na zajednicu iz koje dolaziš i započni sa svojom prijavom.

https://e.infogram.com/8800908d-1f02-4a08-9bb5-e260b27986bf?parent_url=https%3A%2F%2Flonac.pro%2Fbs%2Fomladinska-banka-pokreni-promjene-u-svojoj-zajednici-prijavi-se-i-postani-dio-odbora-omladinske-banke&src=embed#async_embed

**Napomena: Ukoliko imaš bilo kakvih tehničkih problema, javi se našoj tehničkoj podršci. Ovdje možeš da pogledaš [Kako da prijaviš bag u loncu?](#)*
lonac.pro

USAID programi podrške

- Assistance to Citizens in the Fight Against Corruption (CCI)

Cilj projekta ACFC je povećati učešće građana u borbi protiv korupcije. Sve projektne aktivnosti su dizajnirane i osmišljene na način da potiču snažan i održiv antikorupcijski aktivizam u cijeloj zemlji, i na svim nivoima. Između ostalog, projekat kroz program malih grantova podrža neformalne grupe građana, te organizacije civilnog društva da rade na rješavanju konkretnih antikorupcionih inicijativa u oblasti borbe protiv korupcije na lokalnom nivou, te pokreću kampanje usmjerene na više nivoe vlasti.

Program malih grantova predviđa sljedeće iznose podrške namijenjene organizacijama civilnog društva čiji prijedlozi projekata budu odobreni

- do 25.000,00 USD vrijednost projekta na nivou lokalne zajednice, u trajanju do 12 mjeseci i
- do 50.000,00 USD je moguća vrijednost projekta namijenjenog za provođenje

zagovaračkih aktivnosti i inicijativa usmjerenih ka višim nivoima vlasti, u trajanju do 12 mjeseci

Programa podrške zaštiti ljudskih prava (USAID/INSPIRE)

Opis programa: Kroz program USAID/INSPIRE, USAID osnažuje građane i vlasti u BiH kako bi unaprijedili zaštitu ljudskih prava te pružili bolje usluge i prilike za zapošljavanje marginaliziranim grupama u Bosni i Hercegovini. Program je započeo u augustu 2020. godine kao odgovor na aktuelne socio političke i ekonomske izazove s kojima se suočavaju marginalizirane grupe u BiH. USAID/INSPIRE pruža podršku organizacijama civilnog društva i pojedincima koji se bore za prava, osnaživanje i dostojanstvo marginaliziranih grupa i uključuju građane u rješavanje ovih društvenih i političkih problema. Jedan od glavnih ciljeva programa je osigurati da svi nivoi vlasti u BiH prepoznaju i uključe organizacije civilnog društva i građane, kao bitne i cijenjene partnere, u proces izrade politika.

Grant prilike:

- Podrška aktivnostima LGBTQI zajednice u BiH
- Podrška aktivnostima nevladinih organizacija u borbi protiv trgovine ljudima

Ciljne grupe: organizacije aktivne u oblasti borbe protiv trgovine ljudima, organizacije koje se bore za prava i dostojanstvo osoba pripadnika LGBTQI populacije, ali i drugih marginaliziranih grupa, Servisni centri koji rade s djecom s poteškoćama u razvoju, pripadnici marginaliziranih grupa u BiH.



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba**

Mjesečni bilten uređuje Omladinski resursni centar - ORC Tuzla

Urednik Biltena:

Minela Dohranović

Prevod Biltena na

engleski: **Adnan Karamujić**

WEB stranica Mreže:

www.orctuzla.ba

Mejling lista Mreže:

omladina@orctuzla.ba

Webmaster:

anicic.dev@gmail.com

ISSN (BHS Varijanta): **2831 – 0845**

ISSN (Engleski): **2831 0853**